

# La direcziun regiunala dalla SSR vegn restructurada

La Svizra rumantscha salva sia p0siziun sco regiun linguistica en la direcziun generala da la SSR

■ (mc) **La direcziun generala dalla Societad svizra da radio e televisiun SSR vegn reducida da 9 sin 7 commembers. Renunzià vegn er als «ulteriurs 4 participants». Questa midada che è vegnida sancziunada dal cussegl d'administraziun da la SSR sin proposta dal nov directur general Roger de Weck stat er en connex cun il project da convergenza da radio e televisiun.** La nova organizzaziun directiva duai entrar en vigor en fin la fin da favrer 2011, ha declerà il nov directur general *Roger de Weck* che daventa cun Bumaun 2011 successur da *Armin Walpen*.

## Novas incumbensas per ils quater directurs regionals

Ils quatter directurs da la quatter regions linguisticas surpiglian da nov supplementarmain era pensums naziunals. *Dino Balestra* (directur RSI) coordinescha la reorganizzaziun da la rait entaifer la SSR, *Gilles Marchand* (directur RTS) è responsabel per il marketing dal concern e per las relaziuns internaziunals. *Rudolf Matter* (directur designà da SRF) diregia la lavur davart las metodas cun las qualas il success da las purschidas da radio, televisiun e multimedia tier il publicum vegnan mesiradas. *Mariano Tschuor* (directur da RTR) coordinescha la collavuraziun da programs da las quatter regions linguisticas ed ils programs naziunals sco era las purschidas da multimedia.

Al directori appartegnan plinavant il directur da finanzas *Daniel Jorio* ed il directur u la directura dal ressort operaziuns che n'è betg aunc tschernì. Questa funcziun nova porta la responsabladad per ils sistems, ils process da lavur, la tecnica ed

ils projects naziunals sin ils secturs da produziun, informatica e support sco er immobiglias.

## Senza Schibli, Hanimann e Rechsteiner

Il directur da Swissinfo *Peter Schibli* croda ord la direcziun generala sco quai che il pledader da la SSR *Daniel Steiner* ha ditg sin dumonda da l'agentura svizra da no-

vitads sda. El resta dentant manader da swissinfo. Era l'actual directur da televisiun *Ueli Haldimann* e l'actual directur da radio *Iso Rechsteiner* abandonan la direcziun generala. En connex cun la convergenza surpiglia Rudolf Matter da nov lur incumbensas. Haldimann abandunia la SSR la fin da quest onn, ha confermà Steiner. Rechsteiner resta vinavant en sersvetsch da la SSR en la funcziun sco ma-

nader substitut da la partiziun programs e sco referent da programs SRF.

Tratgs natiers be sporadicamain per dumondas spezificas vegnan ils quatter «participants» actuals, numnadamain *Gérard Tschopp*, *Thomas Waldmeier*, *Rainer Keller* e *Max Gurtner*.

## Da nov en il secretariat general

Da nov vegn stgaffi in secretariat general che reunischa las sequentas domenas: perscrutaziun da la fiera, qualidat dals programs, lavur preparatorica per la strategia, reporting e management da ristg ed il sersvetsch giuridic. Il secretari general duai vegnir elegi ensemen cun il directur d'operaziuns ils 16 da december entras il cussegl administrativ.

«Il mund da las medias en l'ensaina da las midadas» è intitulada la communicaziun da la SSR. Midadas frequentadas datti tant tar la tecnica sco tar la tenuta dals consumentes da medias ed ils basegns dals pajaders da concessiun. La SSR e las medias svizras stoppian restar competitivass envers la concorrenza multimediata en in mund globalisà, scriva la SSR. «Jau s'engaschel per ina buna lavur en il team e per ina buna cooperaziun da las quatter regions linguisticas en il ravugl da la SSR», sa lascha il nov directur Roger de Weck citar en ina communicaziun da medias.

La fin da favrer suonda alura l'elecziun d'ulteriurs funcziunaris dal segund stgallim da direcziun. Las plazzas libras vegnan publicgadas l'emprim internamain. Tenor de Weck haja la SSR numnadamain numerusas persunas da cader fitg profiladas. Ellas duaian avair la schanza da surpigliar ulteriura responsabladad.



**Il directur da Radio e Televisiun Rumantscha RTR Mariano Tschuor è responsabel per la coordinaziun dals pograms e la collavuraziun tranter las quatter regions linguisticas sco era per il program naziunal da multimedia.**

FOTO M. HARTMANN